

**MUZANIN WEVER COMO
PRESIDENTE DI PARLAMENTO
TA ACTUA CONTRA NOS
CONSTITUCION!**
Partido Futuro a resulta un desapunto grandi



WWW.SOLODIPUEBLO.COM



SOLODIPUEBLO@GMAIL.COM



**SLA DI PRIJS TA
CONTINUA: BANCO
CENTRAL TA ADVERTI CU
INFLACION DEN 2025 Y
2026 LO TA MAS HALTO!**

**HUES A DECLARA LIBER HOMBER
SOSPECHA DI A ABUSA DI MUCHA
MENOR DI EDAD**

**DIRECTIE
LUCHTVAART TA
INFORMA RIBA
E DIRECTIVA
EMITI TRATANDO
MODIFICACION
DI SOFTWARE DI
AVION AIRBUS**

Parlamentario Evelyn Wever-Croes

**PABIEN ARUBA CU
OMBUDSMAN**
1 december ta dia
historico pa Aruba



Parlamentario Dangui Oduber

MUZANIN WEVER COMO PRESIDENTE DI PARLAMENTO TA ACTUA CONTRA NOS CONSTITUCION!

Partido Futuro a resulta un desapunto grandi

Partido Futuro a resulta un desapunto grandi den politica y sigur den Parlamento. Hustamente e Partido cu a priminti cambio den politica, un politica nobo, un politica di nivel, un politica transparente y mihor funcionamiento den parlamento, awe den funcion ta haci net contrario.

Awe Partido Futuro ta actua contra nos constitucion, viola tur regla di bon gobernacion, no tin transparencia y ta hiba un politica tradicional di insulta y atakenan personal.

Siman pasa parlamento a tene un reunion di comision central caminda mester a dicidi si parlamento ta desea di haci pregunta riba e ley di LIM. E ley aki ta e landsverordening instelling ministeries cu ta regla pa ley e responsabilidadnan di cada ministerio.

Pa e reunion aki sra Muzanin Wever a fungi como presidente di Parlamento den ausencia di presidente Marlon Sneek. Envez cu sra Wever a haci uzo di e oportunidad pa demonstra transparencia, respet pa parlamento y sigur un bon funcionamiento di

Parlamento a dicidi pa na un forma dictatorial kita derecho di cada parlamentario y stroba nos di haci nos trabou.

Sra Wever a habri e reunion di comision central y na e momento ey fraccion di MEP a bisa cu nos fraccion kier haci preguntanan por escrito riba e ley. Sra Wever NO a duna oido na nos peticion y a bisa cu ta MAYORIA ta dicidi y MAYORIA a dicidi cu e ley ta bay 'blanco verslag'. Esaki kieren cu e ley ta bay sin cu parlamento ta haci pregunta por escrito riba e ley.

Den nos constitucion ta angra pa un ley bay sin pregunta por escrito (blanco verslag) TUR 21 miembro di Parlamento mester ta di acuerdo cu esaki. Den e caso di e ley di LIM aki obviamente fraccion di MEP NO tawata di acuerdo pa e blanco verslag y a pidi tempo pa por haci e preguntanan por escrito.

E forma con Muzanin Wever a tuma decision y actua a viola nos constitucion, el a actua robes y no a respeta peticion di fraccion di MEP pa haci preguntanan por escrito. E no tawata transparente y na un



forma dictatorial kier silenciar fraccion di MEP y kier dicidi unilateralmente con nos mester ehersa nos funcion di Parlamentario.

Desde cuando un presidente di parlamento ta kere cu e por para y trapa riba nos constitucion? Desde cuando un presidente di parlamento por dicidi pa nos ki ora si y ki ora no nos mag di haci preguntanan por escrito?

E arrogancia y forma di trapa riba nos democracia nos ta wordo tolera y pio acepta. Nos ta urgi gobernador pa adresa e violacion di nos constitucion aki mas pronto cu ta posibel pa evita cu esaki lo ripiti. Ora

pueblo vota con cu ta, bo den parlamento fraccion di ta haya kico cu ta y awe Futuro a confirma esey!

Clasificados



SOLODIPUEBLO@GMAIL.COM
CEL. 585 9500



Parlamentario Xiomara Maduro: RAAD VAN ADVIES TA HACI “KORTE METTEN” CU E MANERA CU AVP FUTURO A ORGANISA E MINISTERIONAN DEN E LEY DI LIM

A traha forti di poder politico cu no tin logica y ta pone Aruba na riesgo

Gobierno di AVP FUTURO despues di hopi luna, porfin a traha riba e cambio di Ley di Landsverordening Instelling Ministeries (LIM) y poco dia pasa Parlamento a haya e Ley di LIM hunto cu e conseho di Raad van Advies riba esaki. En corto por bisa cu Raad van Advies a haci “korte metten” cu e manera cu AVP FUTURO a organisa e ministerionan den e Ley di LIM. Segun e organo di conseho, AVP FUTURO su organisacion di ministerionan no tin logica y ta pone Aruba na peligro.

Ministerio di KOJIS ta mas ilogico cu tur

Segun Raad van Advies e ministerio cu mas falta di logica den combinacion di cartera, ta e Ministerio di Relacion di Reino, Enseñansa, Hobennan, Innovacion y Deporte di Minister Gerlien Croes, Ministerio di KOJIS.

Cinco cartera den un solo man ta faya

Pone cinco ministerio den man di un solo Minister, esey segun Raad

van Advies ta un experimento cu futuro di Pueblo cu ta receta pa fayo. E carteranan no tin relacion cu otro y cada cartera riba su mes ta exige hopi atencion di e Minister y su ekipo. Door di pone nan hunto, e focus ta bay perdi, y e trabou ta bay keda mitar haci, perhudicando Pueblo.

Ta debilita Aruba den Reino Hulandes

Raad van Advies ta splica cu Relacion di Reino ta algo sensitivo y strategico, y door di combina esaki cu Enseñansa, Hobennan, Innovacion y Deporte, esaki ta debilita Aruba su posicion den Reino Hulandes. Relacion di Reino ta un cartera cu semper a wordo atendi pa Minister President cu ta na cabes di e gabinete, pero den gobernacion di AVP FUTURO pa capricho di Gerlien mas sigur, awo ta combina Relacion di Reino cu cuater otro cartera cu lo kita e atencion y diplomacia necesario pa defende Aruba su interesnan den Reino Hulandes.

A traha forti di poder politico



sin logica y cu riesgo

Parlamentario Xiomara Maduro ta lamenta cu AVP FUTURO ta sinta haci wega politico cu cosnan serio. E organisacion di e ministerionan di Gabinete AVP FUTURO mester wordo haci na un manera efectivo pa sirbi interes di Pueblo. Locual cu tin awo, sigur pa locual ta trata ministerio di KOJIS di Minister

Gerlien Croes, ta crea un forti di poder politico, cu no tin logica y cu ta pone bienestar di Aruba na riesgo. Ta di spera cu AVP FUTURO su Parlamentarionan tambe realisa cu tipo di forti politico asina ta irresponsabel y ta perhudica Pueblo, y pesey nan no por laga Minister Gerlien keda haci deshaci.



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad iona.







Noticia di Corte

HUES A DECLARA LIBER HOMBER SOSPECHA DI A ABUSA DI MUCHA MENOR DI EDAD

ORANJESTAD – E homber C., sospecha di a abusa di e mucha muher Z. (13) a wordo declara liber.

SOLO DI PUEBLO por a compronde cu algun dia despues di tratamiento di e caso algun siman pasa, Hues a ordena pa laga e padastro C. Diabierna Hues a declara e sospechoso homber C. liber di a abusa di e yiu muher di su pareha.

FISCAL A EXIGI 4 AÑA DI PRISON

Dia 7 November 2025 Corte di Husticia a trata e caso penal contra e homber C., kende ta wordo acusa di a abusa di e mucha muher Z. (13) cu ta yiu di su pareha. E padastro C. tabata para riba cu e no a haci nada y cu tur loke e mucha ta declara, no ta berdad.

Fiscal na su turno a bisa Hues cu e mucha Z.(14) a wordo abusa door di su padastro. Fiscal a muestra cu segun e relato di Polis, Z. a declara cu dia 1 Januari 2025, su padastro C. a abusa di dje. Esaki a sosode den e auto di C. Di dos biaha tabata 5 Januari 2025 cu tabata den e cas. E otro biaha tabata 6 Januari 2025 den auto banda di un hotel. Fiscal a bisa cu segun Z., tabatin mas biaha cu e abuso sexual a sosode pero Z. no ta corda fecha exacto. E ultimo biaha tabata Februari 2025, ora cu e mama no tabata na cas. E tempo ey Z. tabatin 13 aña. Segun Z. tabatin un discusion entre C. y su mama pasobra e mama a keda 3 dia for di cas. E mucha Z., a

dal C. cu un sker na su lomba pasobra C. tabata choca su mama den baño. E mama D. a bisa na Polis cu su yiu muher Z. a cont'e cu el a wordo abusa door di un bisina y su padastro.

Fiscal a bisa Hues cu e ta haya cu e declaracion di Z. ta confiabel. Fiscal ta haya cu tin suficiente prueba di sosten y ta haya cu C. ta culpabel. Fiscal a sigui bisa cu C. a tacha integridad di e mucha Z (13). Fiscal a remarca cu loke ta condenabel, ta cu sabiendo cu Z. a wordo abusa di un bisina, C. a bolbe abusa di Z. Fiscal a bisa cu ta conoci cu mucha ta keda afecta. Fiscal ta haya cu C. no a para responsabel pa loke el a haci.

Pa cu e castigo, Fiscal a bisa cu e ta tene cuenta cu ta promer biaha cu C. ta cay den man di husticia. Tambe Fiscal a tene cuenta cu C. a abusa diferente biaha di emuchay ta su padastro. Fiscala exige 4año di prison. Pa loke ta e demanda di daño, Fiscal ta haya cu esaki a wordo entrega laat door di abogado mr. D.Croes y ta laga na Hues su decision.

ABOGADO

Abogado mr. Canwood a bisa Hues cu C. ta desmenti categoricamente di a abusa di Z. E abogado ta haya cu no tin prueba di sosten. Mr. Canwood a muestra cu for di declaracionnan den e raport di Polis por compronde cu Z. a bay for di cas pasobra su mama D. a zundr'e cu e ta manda potret sunu pa hombernan mayor. E mucha a bay keda na cas di conocirnan.

E abogado a muestra cu e mucha Z. a tene relacion sexual cu otro hombernan y hasta a keda drumi na cas di un di e hombernan. E mama D. mes a bisa cu Z. ta hopi fresco y tabata pidi D. placa pa e cumpra sigaria y droga. E mama D. tabata nenga di duna su yiu Z. placa.

Segun abogado, e mama D. a casa cu C. pa asina e por haya papel di estadia. E abogado a bisa cu e mucha Z. tabata odia C. y hasta a bisa su mama D., pa laga C. E abogado a muestra cu no a haya nada di DNA di C. na paña of curpa di Z. Na opinion di mr. Canwood, no por prueba legal cu C. a abusa di Z. E abogado ta haya cu tur e cos aki ta pasobra cu C. no a regla e papelnan di estadia pa D. y Z. E abogado ta haya cu mester declara D. liber.

SOSPECHOSO DECLARA LIBER

Diabierna 28 November 2025, Hues a dicta sentencia den e caso contra C. Ta asina cu C. no a presenta. Su abogado mr. Canwood si tabata presente. Hues a declara C. liber. Hues a bisa cu e declaracion di e mucha Z. ta confiabel pero no tin pruebanan di sosten manera ley ta exige den casonan di abuso sexual of actonan immoral. Hues a bisa cu e declaracion di e mama y otro hende no por usa como prueba di sosten pasobra esaki a bin for di declaracion di e mucha Z.

**TUMA ACCION PA PREVENI,
PROTEHA Y STOP DENGUE
CON NOS POR STOP
DENGUE?**



Parlamentario Rocco Tjon: FRACCION DI MEP A SOLICITA UN “VRAGENUUR” URGENTE TOCANTE BIAHE DEN JET PRIVA DI MINISTER GERLIEN CROES

Parlamentario Rocco Tjon, den number di Fraccion MEP, a solicita dialuna 1 di december oficialmente un “vragenuur” urgente na Presidente di Staten tocante e biahe controversial den jet priva di Minister Gerlien Croes. Den un entrevista, Minister Gerlien Croes a declara cu ta e mes a paga e biahe aki, pero te awe e no a entrega ningun prueba cu ta demostra esaki.

E falta di transparencia aki ta kibrando confiansa den gobierno y ta pone integridad di nos sistema na peliger. P’esey e a manda 36 pregunta por escrito pa Minister duna claridad al respecto. Segun Tjon, situacion aki ta hopi serio y Staten mester pidi responsabilisacion na e Minister mes ora. “Aruba a traha hopi aña pa establece bon gobernacion. Y ta e

tipo di compartacion aki di Minister Gerlien Croes ta pone tur esfuerso na peliger. E minister mester duna transparencia total aworaki mes.”

Si Minister Gerlien Croes no tin nada di sconde, e ora e lo mester por entrega tur documento sin ningun problema y aclarea e situacion aki ‘for once and for all’.



DIRECTIE LUCHTVAART TA INFORMA RIBA E DIRECTIVA EMITI TRATANDO MODIFICACION DI SOFTWARE DI AVION AIRBUS

ORANJESTAD - Dia 28 di november 2025 e autoridad di aviacion Europeo (EASA) a emiti un directiva tecnico obligatorio (“Airworthiness Directive”) cu ta aplica pa avionnan tipo Airbus A320. E directiva aki ta instrui usarionan di avionnan Airbus A320 pa reemplaza/modifica un pieza (“elevator aileron computer”) prome cu e siguiente vuelo. E computer aki ta controla e movimiento di e nanishi (ariba/abow) y hala (ariba/abow) di e avion. Ta premira cu e directiva aki lo ta aplicabel pa un gran cantidad di e avionnan A320 den servicio mundialmente, y cu lo mester para tur avion afecta pa haci e modificacion.

“Airworthiness directive” y Siguridad

Den mundo di aviacion emitiendo un directiva asina aki ta algo comun. Ta haci esaki pa mehora e siguridad di e tipo di avion concerni, basa riba e feedback operacional. Loke no ta hopi comun ta cu un cantidad grandi asina di avion ta afecta na mes un momento, manera ta e caso awor. Mester bisa cu e avionnan tipo Airbus 320, cu si ta keda bula, ta avionnan cu no ta afecta door di e directiva, of ta avionnan cu ta modifica caba segun e directiva. Tambe ta importante pa trece dilanti cu en general, e avion tipo Airbus A320 riba su mes ta un avion sigur cu un bon safety record.

Efecto pa Aruba

E avion tipo Airbus A320 ta un di e avionnan mas uza na mundo.



Door cu e biaha aki un cantidad asina grandi di e tipo di avion aki ta afecta, esaki lo tin como consecuencia cu aerolineanan afecta lo haya nan mes ta cancela cierto vuelonan. Aruba lo no ta un excepcion, lo por spera cancelacion di algun vuelo pa Aruba door cu e tipo di avion Airbus A320 ta hopi uza pa vuelonan pa Aruba

door di diferente aerolinea. Ta premira cu e situacion aki lo dura por lo menos un pa dos siman. Pa e motibo ey ta conseha pasaheronan di aerolineanan cu ta uza e tipo di avion aki pa keda den contacto cu nan aerolinea y tambe pa monitorea e website di nos aeropuerto.

Eduard Pieters di fraccion di PPA: PAPIAMENTO UN IDIOMA CU RAIS PROFUNDO Y UN FUTURO CU NOS MESTER PROTEGA

Durante e anochi di presentacion di Fundacion Lanta Papiamento na Biblioteca Nacional Aruba, nos a biba un experiencia berdaderamente unico y rico: un anochi dedica na e historia profundo y bunitesa linguistico di Papiamento. Ramon Todd, cu su amplio conocimiento academico, a guia e audiencia den un biahe historico, cu no ta solamente informativo, pero emocionante, inspirante y esencial pa compronde nos identidad.

E presentacion no tabata un charla normal; tabata un testamento di berdad: Papiamento ta un idioma fuerte, bieu, construi riba rais, cu ta bay bek mas cu 350 aña. Un idioma cu historia masha largo, pero su futuro ta depende di nos. “Papiamento no ta di awor y su origen ta historico y global. Ramon a muestra un variedad di textonan bieu, incluso e mas bieu na Papiamento, pero tambe otro documento cu ta muestra su desaroyo linguistico,” Eduard a subraya.

Papiamento ta bibo for di siglo 17, ora el a yega Cabo Verde y a sigui su biahe den Atlantico y yega Caribe. El a forma riba e islanan ABC,

evolucionando den e siglonan segun e contactonan cu e tabatin cu Africa, Portugal, Hulanda, Merca y hopi cultura mas.

Esaki ta prueba cu Papiamento no ta “un idioma chikito,” ni “simpel,” pero ta un idioma cu un trayectoria mundial y cu un balor historico incalculabel.

Durante e presentacion, Ramon tambe a muestra otro texto cu ta ilustra bunitesa y creacion propio di nos idioma: poesia, traduccion, correspondencia y e documentonan cu ta siña nos no solamente historia, pero estructura linguistico y capacidad di Papiamento pa crece.

“P’esey, PPA como partido patriotico ta sigui insisti: Papiamento no ta un simpel lenga di comunicacion; e ta un instrumento pa forma pensamiento, habilidad cognitivo, identidad social, herencia y instrumento cultural”.

Gobierno mester inverti den Papiamento.

Pieters ta haci un yamada urgente: “Gobierno mester inverti, studia y protega Papiamento.



Si nos ta compronde loke nos a tende e anochi aki, un cos mester keda cla cu si nos no inverti den Papiamento awor, nos ta pone su futuro den peligro”.

PPA ta urgi pa gobierno haci mas inversion den scol pa fortalece e lesnan y literatura na Papiamento. Mester haci mas estudio y investigacion riba loke Papiamento ta contribui na desaroyo di mucha y hoben. Fortalece e institutonan manera IPA y Universidad di Aruba, pa crea departamento, centro di estudio y programanan universitario dedica na e.o. desaroyo di Papiamento. Un pais

sin su idioma ta un pais sin rais. Un gobierno cu no protega su idioma, ta un gobierno cu ta desbalora su mesun pueblo.

Papiamento su futuro por bira fragil

Segun Eduard e anochi aki a muestra nos claramente cu Papiamento ta un idioma cu un pasado rico, un presente victorioso... pero cu un futuro cu por keda fragil si nos no actua.

PPA no ta dispuesto pa laga esey pasa. E momento pa protega, inverti y honra nos idioma ta awor!

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO





Corte di Prome Instancia 4 december 2025

Horario	Sospechoso	Acto Castigabel
14.00	I.J.P.	Pro forma. P. ta wordo acusa di, cu un otro of otroonan, a intencionadamente bida di un persona riba 23 di augustus di los varios tiro riba dje y dal e difena su cabez. E ta wordo acusa di, h otro persona of otroonan, posesion candela y amunicion riba 23 di augustus ta wordo acusa di posesion di coca fecha menciona.

Corte di Prome Instancia 4 december 2025

Horario	Sospechoso	Acto Castigabel
08.30	G.F.L.M.	M. ta wordo acusa di a viola un pe di juli 2024.
10.00	F.F.V.	V. ta wordo acusa di abuso sexual na augustus 2024.
11.30	J.B.	B. ta wordo acusa di ladroncia riba 2025, di menaza durante e periodo te prome di juli 2025 y di ladronci oktober 2025.
11.50	D.J.C.C.	C.C. ta wordo acusa di a stuur auto uso di alcohol di 27 di juli 2025.
13.30	C.V.A.C. N.C.J. D.R.M.	C. y C.J. y M. ta wordo acusa di ma violencia den publico riba 2 di nov

14.30	J.F.B.	B. ta wordo acusa cu menaza riba
15.00	N.M.G.	G. ta wordo acusa di maltrato cu di augustus 2024.
15.30	H.H.	H. ta wordo acusa di maltrato y di areanan unda nabegacion ta proh juli 2024.

Corte di Prome Instancia 10 december 2025

Horario	Sospechoso	Acto Castigabel
08.30	B.N.S.C. E.A.T.S. R.H.M. C.Y.T.S.	E grupo ta wordo acusa di trafico 25 di juni 2024.
11.30	T.E.M.	M. ta wordo acusa di kiebro y ladr oktober 2024.

UN RECONOCIMIENTO UNICO PA ATLETANAN LOCAL CU A YEGA WEGANAN OLIMPICO



Atletanan Olimpico di Aruba ta ricibi nan pin y certificado oficial “OLY” Diaberna anochi durante e magno evento “Premio Excelencia den Deporte 2024”, unda a celebra y premia atletanan cu a destaca den aña 2024, a tene un momento special pa nos atletanan Olimpico. Durante e evento, a tene un momento dedica na otorga un reconocimiento special pa atletanan cu a participa na Weganan Olimpico. Como reconocimiento special, cada un a ricibi un certificado y un pin cu tin “OLY” riba dje, cu ta un titulo post-nominal internacional mescos cu PhD, MSc, Bsc. etc cu atletanan Olimpico por usa tras di nan nomber pa duna nan e reconocimiento di añanan di trabou duro den nan deporte y e aporte

na e balornan olimpico.

E “OLY” pin y certificado ta wordo otorga door di “World Olympians Association” (WOA), un Organizacion mundial cu ta enfoca riba empodera “Olympians” durante y despues di nan carera deportivo y ta traha di cerca cu Comitè Olimpico Internacional (IOC) den servicio di tur atleta Olimpico. E Asociacion Arubano di Atletanan Olimpico (AAAO) ta e organizacion local di atletanan Olimpico cu ta maneja e comunicacion cu WOA pa asina por haci esaki posibel.

Atletanan Olimpico cu a ricibi nan reconocimiento e aña aki:
Ethan Westera – Paris2024
Shanayah Howell

– Paris2024
Chloë Farro – Paris 2024
Elliot Loonstra – Weganan Paralimpico Paris2024
Mikel Schreuders – Rio2016, Tokyo2020 y Paris2024
Aki por mira e atletanan of un representante cu a ricibi e reconocimiento. Comitè Olimpico Arubano ta felicita e atletanan Olimpico cu a ricibi nan reconocimiento. Once an Olympian always an Olympian! #TEAMARU



Parlamentario Evelyn Wever-Croes

Evelyn Wever-Croes:

PABIEN ARUBA CU OMBUDSMAN

1 december ta dia historico pa Aruba



ORANJESTAD — Dia 1 di december 2025 ta un dia historico pa Aruba, cu apertura di oficina di Ombudsman. Ombudsman, defensor di pueblo, ta asisti tur ciudadano cu tin un keho riba un trato inapropia.

“Desde e prome dia den mi gobierno, nos a pone prioridad na esaki. No tabata facil, pero nos a logra.

A apunta un kwartiermaker, sra. Sahaira Kelly, cu a cuminsa cu e preparacionnan. Nos a institui un comision

Versterking Democratisch Bestel pa asisti den e aspectonan huridico. Presidente di Parlamento e tempo ey sr. Edgard Vrolijk a hunga un papel crucial den lidera e proyecto di ley. Asina e creacion di e Ombudsman a cuminsa.

Na caminda nos gobierno a purba ancla e Ombudsman den nos Constitucion, pero oposicion e tempo ey, AVP, MAS y Accion 21, tabata contra. Mirando cu pa cambia nos Constitucion mester di por lo menos 2/3 parti di voto, pues 14 voto, y oposicion no kier



a coopera, e cambio di Constitucion no a tuma lugar.

Sinembargo esey no a stroba nos gobierno y nos a haci e ultimo cambionan den ley pa por continua.

E ultimo parti tabata e seleccion di e candidato pa Ombudsman y cu hopi orguyo dia 1 di oktober 2024 sra. Jurima Bryson a wordo nombra. Sra. Bryson tabata encarga pa selecciona e personal di e Bureau Ombudsman.

Diabierna ultimo mi tabata tin e honor di bishita e oficinanan y sera conoci cu e personal.

Mi ta extremadamente orguyoso di nos Bureau Ombudsman. Mi ta sigur cu Ombudsman lo ta un bon ayudo pa comunidad en general. Mi ta desea sra. Jurima Bryson y henter e equipo di Bureau Ombudsman hopi éxito” Parlamentario Evelyn Wever-Croes a expresa.



Parlamentario Dangui Oduber: SLA DI PRIJS TA CONTINUA: BANCO CENTRAL TA ADVERTI CU INFLACION DEN 2025 Y 2026 LO TA MAS HALTO!

Mas dia pasa mas ta bira obvio cu e gobierno di Avp-Futuro a gaña tur hende, manipula tur hende y tuma tur hende haci.

Ambos partido tanto Avp comp Futuro a hiba un campaña cu nan lo mehora poder di compra, reduci costo di bida, percura pa no tin inflacion y percura pa tur prijs na Aruba baha. Geoffrey Wever te hasta a bisa cu frigidierenan na Aruba ta bashi y cu partido Futuro lo percura pa yena e frigidierenan bek. Awe despues di 9 luna di gobernacion e realidad ta otro. Awe tin inflacion, no tin caminda mas pa pueblo sconde pa sla di prijs di Geoffrey Wever y gabinete Avp-Futuro. Prijs di coriente NO a baha, prijs di awa NO a baha, prijs di gas a subi danki na Geoffrey Wever y prijs di comestibles ta mas halto cu nunca y poder di compra ta keda bay atras drasticamente.

No ta nos ta bisa esaki sino esaki a wordo confirma pa banco central por medio di un survey cu a wordo haci pa nan. Nada menos cu 88% di consumidornan Arubano ta bisa cu nan por cumpra menos cu seis luna pasa. Esaki ta sali for di e ultimo Consumer Confidence Survey di Banco Central di Aruba (CBA) pa e segundo cuartal di 2025. No

solamente Banco central su survey a confirma esaki sino central bureau statistiek tambe a indica cu den luna di September 2025 e poder di compra a bay drasticamente atras compara cu aña pasa September 2024.

E encuesta di banco central y e rapport di central bureau statistiek ta confirma loke nos a bin ta bisando. E situacion na Aruba no a bira mihor despues di gabinete Avp-Futuro sino a bira peor. Poder di compra a bay atras, Aruba a bira mas caro y e nivel di pobreza a bira mas grandi. Especialmente famianan y personanan cu entrada abou ta sinti e presion cada bez mas fuerte. Esaki ta wordo causa pa un aumento explosivo di prijsnan di comestiblesnan, netamente loke nos ta bin ta señalando pa varios luna. Anto esaki ta un gobierno cu a priminti cu nan lo mehora poder di compra y costo di bida lo baha. Mientras pueblo ta warda pa alivio ministernan ta fiesta, ta biaha na monton, otro ta te hasta biaha den jet priva y ta sigui derocha placa di pueblo.

Minister Geoffrey Wever a bisa cu e ta traha riba un “koopkrachtmodel” pa mehora e poder di compra pero pueblo si



no tin pasenshi mas pa warda ki dia e modelo aki lo keda cla. Tur dia pueblo ta sinti efectonan di prijsnan na Aruba. Tarifa di awa no a baha, tarifa di coriente no a baha, prijs di

gasoline NO a baha, prijs di diesel no a baha y no papia mes di prijsnan den supermercadonan.

Si tanto AVP como Futuro a bisa durante eleccion cu

Aruba tawata caro, awor e situacion a bira pio! E pregunta ta keda: Kico nan ta bay haci pa alivia pueblo?

BON NOTICIA

E ISRAEL NOBO DI DIOS TATA, PA MEDIO DI E
ALIANSA NOBO DI CRISTO-HESUS

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan,nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo di Israel. Bijbel Lucas 1: 32 – 33, ta bisa: “Senjor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsanan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan

di Reino di Cielo y esaki ta significa, cera y habri e unico portanan pa laga e almanan drenta den Reino di Cielo. Den e unico Iglesia Universal di Cristo-Hesus, tin e yabinan di e portanan di Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata den e Aliansa Nobo. Awor, tur hendenan, sectanan y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luther o un frere, teologo aleman, pero Martin Luther o a bira protestant, contra di e Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo a trece hopi division y hopi di nan a lanta nan mesun religionnan, sectanan y predicando e Bijbel den nan

mesun manera y buscando hendenan debil den fe pa sigi nan. di Bijbel Echonan Apostelnan 20: 28 – 30, carta di San Pablo na su coleganan Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senjor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo

surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den, Bijbel Mateo 16: 18, cu forsanan di fierno lo purba podera y kibra e Unico Iglesia Universal di Hesus, pero nan lo no logra. Bijbel Revelacion 21: 10-14, ta bisa bon cla, di e ciudad Santo di Herusalem tabata bahando di Dios for di Cielo, briyando di Dios Su Gloria. E muraya di e ciudad

tabata tin diesdos piedra di fundeshi grandi y riba esakinan e diesdos nomber di e diesdos Apostelnan di E Lamchi tabata scirbi. Esaki ta e diesdos Obisponan di e Iglesia Universal di Cristo-Hesus. Husga pa bo mes, si bo ta den un Iglesia corecto pa bo salvacion. Nunca no ta laat pa compronde e berdad y pa comberti. Scirbi pa Seferino Tromp Un mensahero di Dios.


ACROSS
ANSWER
ASTERISK
CAPITAL
CLUE
DEFINITION
DOWN
ERASER
GRAMMAR
HISTORY
INITIAL
LETTER
MISTAKE
NAME
NEWSPAPER
NOUN
PAGE
PENCIL
PENS
PHRASE
PLAY
PRINT
READ
RESEARCH
SOLUTION
SPELL
STUDY
VERB
WORDS



CROSSWORD
WORD SEARCH PUZZLE

L	R	R	E	P	A	P	S	W	E	N	B	K	H	W
K	C	T	A	J	D	E	F	I	N	I	T	I	O	N
P	E	N	S	N	R	E	T	T	E	L	S	R	Y	F
E	M	I	T	S	S	N	K	S	B	T	D	R	D	S
N	A	R	E	C	R	W	N	R	O	S	E	U	U	E
C	N	P	R	L	L	E	E	R	A	S	E	R	T	S
I	V	E	I	U	P	V	Y	R	Y	V	D	L	S	O
L	P	K	S	E	R	A	M	M	A	R	G	A	H	L
N	A	A	K	V	S	S	O	R	C	A	E	I	A	U
O	C	T	G	L	W	A	Y	T	E	P	R	T	N	T
U	I	S	I	E	L	A	R	S	P	A	R	I	N	I
N	P	I	I	P	L	E	D	H	K	G	D	N	W	O
D	H	M	T	P	A	V	P	U	P	R	O	I	O	N
R	E	S	E	A	R	C	H	S	H	R	J	L	D	O

The words appear UP, DOWN, BACKWARDS, and DIAGONALLY.
Find and circle each word.



E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-to-gether cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e.

Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol? E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

Intoxicacion agudo

Intoxicacion agudo ta produci ora cu den un periodo corto di tempo, ta ingeri cantidadnan hopi grandi di alcohol.

Na principio, e intoxicacion aki ta produci sintomanan agradabel, manera e desinhibicion cu nos a menciona anteriormente.

Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di



conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayoden e respiracion.

Alcoholismo

Alcoholismo ta tuma luga ora cu un persona ta sinti un necesidad imperioso di ingeri alcohol cu ta conduci na haci'e constantemente. Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan di abstinencia ora cu e no por tum'e.

Alcoholismo ta asocia na otro procesonan cu, ora combina, ta haci cu ta desaroya cierto trastornonan neurologico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.

- Ta afecta otro organonan manera e higra. Numeroso estudio ta demostra cu e degeneracion hepatico por causa daño den e sistema nervioso.

- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemorragianan den e cerebro cu tambe su

funcionamento ta bay deteriorando.

Pa tur esaki, e efectonan di alcohol den e sistema nervioso ta wordo traduci den numeroso enfermedadnan. A continuacion nos lo splicabo di esunnan mas destaca.

Efectonan di alcohol: e enfermedadnan neurologico

Demencia

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social.

Den e casonan aki, e persona ta perde e capacidad di realisa actividadnan compleho. Tambe por provoca cambionan den su personalidad y den su estado di animo.

Degeneracion di e cerebelo

E cerebelo ta un parti di nos sistema nervioso cu ta encarga di e coordinacion muscular y otro movimentonan cu nos ta realisa involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificultadnan pa papia, pa cana y hasta cuminsa tin temblamento.

Polineuropatia alcoholico

Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cumins a perde forsa den su miembronan gradualmente. Ademas, ta sinti parestesias (sensacion di grawatashi den e cuero) y dolor den e mesun miembronan.

Na final, e ta afecta e forma di cana.

Efectonan di alcohol: e sindrome di Wernicke-Korsakoff

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

Concluyendo

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.

P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numeroso gruponan di apoyo cu ta existi awendia por yudabo.



Kategoria nobo di supsidio pa inisiativanan pasado di sklabilitut

E promé periodo di un kategoria nobo di e Areglo di supsidio pa Inisiativanan Sosial pasado di sklabilitut transatlántiko pa e área karibense di Reino ta habri awe. Fundashon- i asosiasionnan por hasi un petishon pa supsidio den kategoria 2 pa inisiativanan sosial chikitu.

Bou di kategoria 2 ta kai: diferente proyekto relashoná ku pasado di sklabilitut, organisamentu dienkuentro-òf eventonan ku ta kontribuí na prosesamentu di e pasado di sklabilitut, projektonan pa edukashon i ekspreshon artístiko, inkluyendo eksposishon i presentashon. E projektonan mester ta na benefisio di

desendientenan di esnan sklabisá (komunitat).

Montante di e supsidio E montante di e supsidio pa kada petishon pa kategoria 2 ta mínimo USD 10.000 i máksimo USD 25.000. En total tin dos periodo pa kategoria 2 den kua organisashonnan por hasi un petishon. E promé periodo ta habrí di 1 di desèmber 2025 09.00 or di mainta CET te 12 di yanüari 2026 5 or di atardi CET. E di dos periodo ta habri komienso di 2028.

Tokante e areglo di supsidio E areglo di supsidio ta un di e akshonnan relashoná ku e diskulpanan pa e pasado di sklabilitut hulandes ku promé minister a pidi riba 19 di desèmber 2022. Pa e areglo di



supsidio a pone pa e área karibense un presupuesto di mas di €29.3 mion na disposishon.

petishon, ta disponibel na ingles i hulandes. papiamentu, papiamento,

En total tin ocho (8) tanda di petishon pa kuater (4) diferente supsidio, repartí riba tres (3) aña, den kua organisashonnan por pidi supsidio pa projektonan ku ta kontribuí na konsientisashon, rekonosementu i konmemorashon i mihó kompreshon di e influencia di pasado di sklabilitut i su prosesamentu.


Mas informashon Pa e parti karibense di Reino tin un wèpsait speshal, Legacy to Future Funds . Riba e wèpsait aki tin informashon tokante e areglo di supsidio i un referensia pa e wèpsait di Uitvoering Van Beleid (UVB) di Ministerio di Asuntunan Sosial i Empleo, ku ta ehekutá e areglo . Por entregá un petishon pa supsidio via e portada di supsidio di UVB. Informashon tokante e areglo i tokante e proseso di registrashon den e portada di

Clasificados

SOLODIPUEBLO@GMAIL.COM
CEL. 585 9500



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - December 01, 2025

 Sorteo # 4820 8218 4658 8604  FP  Sorteo # 4820 2038  X2  Sorteo # 2876 2872  Sorteo # 4820 5655 Piscis  Sorteo # 1694 578  FP	 <table><tr><th>Sorteo #</th><th>Joker</th><th>Letter</th></tr><tr><td>0 x Jackpot</td><td></td><td>Proximo Jackpot</td></tr><tr><td>0 x Match 4+</td><td></td><td></td></tr><tr><td>0 x Match 4</td><td></td><td></td></tr><tr><td>0 x Afl. 12,00</td><td></td><td></td></tr></table> 380.000,-	Sorteo #	Joker	Letter	0 x Jackpot		Proximo Jackpot	0 x Match 4+			0 x Match 4			0 x Afl. 12,00			 <table><tr><th>Sorteo #</th><th>Proximo Jackpot</th></tr><tr><td>0 x Jackpot</td><td></td></tr><tr><td>1 x Match 4</td><td></td></tr><tr><td>107 x Afl. 8,00</td><td></td></tr></table> 53.000,-	Sorteo #	Proximo Jackpot	0 x Jackpot		1 x Match 4		107 x Afl. 8,00		 <table><tr><th>Sorteo #</th><th>Mega Ball</th></tr><tr><td>0 x Jackpot</td><td>Proximo Jackpot</td></tr><tr><td>0 x match 4</td><td></td></tr><tr><td>0 x Afl. 500,00</td><td></td></tr><tr><td>0 x Afl. 50,00</td><td></td></tr><tr><td>0 x Afl. 15,00</td><td></td></tr></table> 290.000,-	Sorteo #	Mega Ball	0 x Jackpot	Proximo Jackpot	0 x match 4		0 x Afl. 500,00		0 x Afl. 50,00		0 x Afl. 15,00		 Afl. 390.000,-	 <table><tr><th>Sorteo #</th></tr><tr><td></td></tr><tr><td></td></tr><tr><td></td></tr><tr><td></td></tr></table> 	Sorteo #				
Sorteo #	Joker	Letter																																											
0 x Jackpot		Proximo Jackpot																																											
0 x Match 4+																																													
0 x Match 4																																													
0 x Afl. 12,00																																													
Sorteo #	Proximo Jackpot																																												
0 x Jackpot																																													
1 x Match 4																																													
107 x Afl. 8,00																																													
Sorteo #	Mega Ball																																												
0 x Jackpot	Proximo Jackpot																																												
0 x match 4																																													
0 x Afl. 500,00																																													
0 x Afl. 50,00																																													
0 x Afl. 15,00																																													
Sorteo #																																													

TA BUSKA

PA HIUUR
UN CAS CHIQUITO
OF APARTMENT AMPLIO

5972155

STINGRAY SWIMMING TEAM ORGUYOSO CU PRESTACION DI LEANDRO SANTIESTEBAN NA NACO 2025



Stingray Swimming Team ta sumamente orguyoso pa anuncia e tremendo prestacion di nan atleta, Leandro Santiesteban, durante NACO Invitational 2025 na Santo Domingo. Stingray Swimming Team a keda na di 25 lugar entre 52 team internacional.

A pesar cu Leandro tabata su so, el a representa Stingray cu un espirito di guerero, determinacion, disciplina y curason. El a lucha contra esunnan di region, contra e presion di un campeonato grandi y tambe contra circunstancia personal, cu ta muestra cu Leandro ta un atleta di nivel.

Un torneo di curason y determinacion

Desde diahuebs Leandro a demostra su determinacion, demostrando un nivel di madures, fe y caracter cu ta yega mas leu cu su edad.

Su resultado final ta simplemente inspirativo:

• ☐ 5
medaya di oro

• ☐ 1
medaya di plata

• ☐ 4
Personal Bests

• ☐ ☐ 1
Record Nacional 11-12
den 50m Fly: 27.48, desde 2009

• ☐ High
Point Trophy: 1 lugar Boys
11-12
E logro aki ta mas

CONTINUA PAG 11



STINGRAY SWIMMING TEAM ORGUYOSO CU PRESTACION DI LEANDRO SANTIESTEBAN NA NACO 2025



tene cu lucha tambe cu un virus cu varios landador mas a haya. Pero asina mes, pero asina mes e no kier a retira for di competencia. El a confia den su fe, su disciplina y e apoyo di su mama, tata, Coach Moisés di Panama y e cuido di e staf medico na competencia

STINGRAY SWIMMING TEAM na di 25 lugar

Pa henter e team di Stingray, e logro aki sigur ta di aplaudi, ya cu Stingray Swimming Team tabata representa unicamente pa Leandro. Sinembargo, entre 52 team, nos club a termina na un impresionante lugar nr 25.

Esaki ta un demostracion cla cu un atleta cu trabou duro, caracter, determinacion y dedicacion por pone henter un team mas ariba den ranking internacional. Pues no ta solamente un triunfo personal di Leandro, pero un triunfo pa Stingray, pa Aruba y pa tur mucha cu kier sigui lucha pa logra nan sueño.

Stingray Swimming Team ta felicita Leandro Santiesteban pa su curashi, balentia, entrega, su espiritu di campion y su representacion noble di nos bandera y nos club.



SOPI DI LETRANAN

San José
Cualidades

ACOGEDOR
CARIÑOSO
COMPROMETIDO
CREATIVO
CREYENTE

DEDICADO
DELICADO
FIEL
HUMILDE
OBEDIENTE

SACRIFICADO
SERVIDOR
TIERNO
TRABAJADOR
VALIENTE

© educarconjesus@blogspot.com



Oracion di dia

**Un feliz dia yena di hopi fe y speransa
den nos bon Dios**

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos y unan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tin pa nos? Y anos a tene man di nos y unan, hibando nan, tur siman, paca di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obran grandi..." (Sal 78, 7)

Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

SUDOKU

5		9				4		
7		8	3		4	9		
6		1				7	3	
4	6	2	5					
3	8	5	7	2	1	6	4	9
1	9	7	4		8	2		
2			1					4
		3		4			8	7
	7			5	3			6

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

	8							
				2	1	8	7	
2			3				5	9
		4			9		2	
	7		2	1	8	4		6
9					3	7		
6	9		4					
	4	8	1		7			

Stingray Swimming Team ta felicita nan atleta Elisabeth Timmer cu a briya na Hulanda

Stingray Swimming Team pa anuncia un otro ta sumamente orguyoso logro excepcional di nos

Clasificados



SOLODIPUEBLO@GMAIL.COM
CEL. 585 9500

SOLO
REVISTA FUERTE • TRICOLOR CLASIFICADOS • Di Pueblo


atleta Elisabeth Timmer, durante e Provinciale Kampioenschappen 2025 na Hulanda. Elisabeth a demostra disciplina, forza y determinacion riba un nivel internacional, representando Aruba cu un elegancia y forza digno di un campeona.

Dos Medaya di Oro y 1 Record Arubano

Su tempo extraordinario di 55.50 no solamente a logra posiciona Elisabeth na prome lugar, pero tambe a kibra e Record Arubano den 100m freestyle short course. Esaki ta un logro cu ta muestra su crecimiento continuo y su entrega total na e deporte.

Elisabeth a sigui dominado den sprint cu un 25.49 den 50m freestyle, sigurando un otro medaya di oro. Su salida, tecnica y aceleracion final tabata simplemente magistral.

Otro atleta mas cu



determinacion y curason Elisabeth sigur ta un ehempel mas pa nos landadornan hoben: humilde, disciplina y semper cu deseo pa mehora y duna excelente prestacion. Su prestacion na Hulanda ta confirma cu Aruba tin talento internacional cu sigur por competi cu e mihornan di e region y mas leu.

Como Stingray Swimming Team, nos ta honra pa guia e atletenan manera Elisabeth

riba e caminda di excelencia, un caminda yena cu logronan grandi y inspiracion pa e generacion cu ta sigui.

Stingray Swimming Team ta manda un Pabien grandi pa Elisabeth cu su dos medayan di oro y su record nobo. Nos y Aruba ta orguyoso di bo y nos ta sigui balora, guia y celebra bo crecimiento den tur competencia cu tin cu bin ainda.

TA BUSKA

PA HIUUR UN TERRENO
CHIQUITO PA PONE
UN TRAILERHOUSE Ariba

7461414 / 5972155

TA BUSKA

PA HIUUR UN APARTMENT

5924808

TA BUSKA

PA HIUUR UN LOCALIDAD
PA CUSHINA

5924808

HENTER E PUEBLO DI DIOS TA WORDO INVITA

Den nomber di Reverendo Pastoor Jozef Pelc y Reverendo Pader Michael Nicolaas, henter e pueblo di Dios ta wordo invita pa reserva e fecha di diasabra, 6 di december 2025 pa un Retiro Spiritual di Advent cu e tema UN PEREGRINO na Misa Birgen di Fatima Dakota. Orador lo ta Reverendo Pader Michael Nicolaas.

Ta inicia 7'or y 15 cu un Santo Rosario na 5 idioma ya cu ta cu e promer diasabra di luna. Pa 8'or di mainta ta sigi un Santo Sacrificio di Misa. Tin un pauze cortico pa come algo y pa 9'or y mei di mainta ta cuminsa cu e Retiro y esaki ta clausura pa 12'or di merdia. Ta suplica pa bin cu un Bijbel, pen schrift.

Ta pasa un collect pa cubri gastonan di e airconan.

Rumannan laga nos participa cu hopi debocion na e Retiro aki y profundisa nos mes spiritualmente y prepara nos interior personal pa e di dos binimento di nos Señor Hesu – Cristo.

Un y tur ta mas cu bon boni.